

GIEKSJORZ



27 II 2024

Sześćdziesiąty GYBURSTAG

Latoś nasza GieKSa fajeruje sześćdziesiąty gyburstag, nale po jakymu niy mieliby my posznupać we gyszichie klubów, kere były jejij protoplastami? Dyć mōmy do tego wiynksze prawo niż inksze uwożane kluby, kere fest „naciōngajōm” data swojigo powstanie. Trzecigo maja 1920 roku chorzowski Ruch zagroł swōj piyrszy szpil ze Orłym Wełnowiec. Tyn som Orzeł sztyrdziści lot niyskorzyj skuplowoł sie ze Rapidym, kery powstał we 1954, a we 1968 prziszło ku fuzycji GKS z Dębym, kery powstał we 1922, chociaż jego działacze spōminali ō tradycji niemieckiego SC Eiche Domb, sztartniyntego we 1912. Eli dodōmy jeszcze, co we 1965 do wielosekcyjnego Gōrniczego Klubu Sportowego przyjynli tyż KS 06 Kleofas Katowice (kery ōd 27.05.1965 mianowoł sie GKS Zołnyże), sztartniynty 23 sierpnia 1906 (wtynczos mianowoł sie Sportverein Zalenze, a po powstaniach przemianowali go na KS 06 Załęże), to je klar, co gyszichta klubu ze Katowic siyngo poczōntkōw XX storocho.

Nale we Katowicach niy naciōngali gyszichty i za ofcjalno data przyjynli ta, kej richtiś sztartli Gōrniczny Klub Sportowy. Beztōż idzie pedzieć, co wszysko napoczło sie na podzim 1963, kej trefiōł sie komityt założycieli: Karol Fabris, Zdzisław Kuc, Jan Leś, Kazimierz Mielczarek, Waław Bogacki, Stefan Barski, Jerzy Gansty, Tadeusz Kurek, Jerzy Przemiosło, Sławomir Peszkowski, Alojzy Różański, Adolf Skowron, Jan Waniek, Antoni Wyrobiec, Tadeusz Saratowicz, Donald Pytlik.

Piōntego listopada 1963 we Sali Kolumnowej Zwiōnzków Zawodowych prziszło ku trefowi reprezentantów klubów szportowych: Gōrnik 20 Katowice, TKS Rapid-Orzeł Wełnowiec, KS Koszutka Katowice, Katowicki Klub Łyżwiarski, Katowicki Klub Sportowy Gōrnik, Gōrniczny Klub Żeglarski Szkwał nale tyż i trzidziestu dwóch instytucji i werkōw. Coby uwożać na rozwōj bergmońskiego szportu we Katowicach i mieć w zocy poparcie Ministerstwa Gōrnictwa i Energetyki, Komitytu Miejskiego PZPR we Katowicach i Zarzōndu Głōwnego Zwiōnzku Zawodowego Gōrnikōw, reprezentanty prziszli ku sztartniyntu klubu szportowego, kery mianuje sie Gōrniczny Klub Sportowy Katowice, wtynczos kōnsztatowali jego sztatut i przyjynli złoto-zielono-czarne farby, zaś godło miōł jednake choby miasto Katowice. Klub miōł być fōndowany bez założycieli, ze dobrowolnych skłodek kożdego bergmona. Decyzjo uprawomocniła sie 27 lutego 1964 roku.



Manszft GKS Katowice we swojim piyrszym sezonie we ekstraklasie.
We wiyrchnij raji stojōm ōd lewyj do prawyj: Hubert Müller, Eryk Anczok, Zygmunt Szmidt, Andrzej Strzelczyk, Gerard Rother.
We dolnyj raji czypiōm ōd lewyj: Stanisław Minol, Andrzej Gajewski, Piotr Czaja, Jan Piecyk, Józef Morcińczyk i Jerzy Geszlecht

1

Pyrszymi zarzōndcami klubu byli:

Prezydium zarzōndu: Prezes – mgr inż. **Karol Fabris**, I wiceprezes – inż. **Jan Leś**, wiceprezes ds. sportowych – inż. **Waław Bogacki**, wiceprezes ds. finansowych – mgr **Ryszard Orłowski**, wiceprezes ds. inwestycji – inż. **Henryk Kotulski**, wiceprezes ds. organizacji – mgr **Tadeusz Saratowicz**, sekretarz – **Jan Waniek**, członek – **Antoni Wyrobiec**, członek – inż. **Jan Chmielnik**, członkowie zarzōndu: inż. **Artur Bałdy**, **Jerzy Barczyk**, mgr inż. **Edward Czyż**, mgr **Seweryn Dybula**, dr **Marek Grabania**, **Ryszard Hibner**, mgr **Józef Kaszper**, mgr inż. **Leon Kindla**, **Wiesław Kosacki**, mgr inż. **Tadeusz Lasek**, inż. **Marian Lesiecki (Lisiecki)**, mgr inż. **Ludwik Peist**, inż. **Sławomir Peszkowski**, inż. **Jerzy Przeniosło**. Komisjo rewizyjno: **Ludwik Garbaczom**, **Aleksander Julczewski**, mgr inż. **Emil Jureczko**, inż. **Franciszek Kóska**, mgr **Czesław Ludyga**, **Aleksander Szade**, **Emil Szreter**. Sąd koleżeński: dr **Marek Grabania**, mgr inż. **Leon Kindla**, mgr inż. **Tadeusz Lasek**.

Sztarniyncie wielosekcyjnego GKS, kery miōł być wizytkartōm Katowic, to było choby ciepnyncie wyzwania nojsrogszym polskim klubōm. Cuzamyn we złoto-zielono-czornych farbach sztartowali szportowce ze aże piyntostu sekcji (fusbale, handbal, wolejbal, hokej, pływanie, szymierka, zapasy, tynis, ping-pong, sonki, skije, szlyndzuchy, szachy, boks i żeglarstwo). Bez te wszyske lata GKS wychowoł sztyrdziystu sztyrech olimpijczykōw, kere szafnyli piynt medalōw latowj Olimpiady, a szportowce, kere reprezentowali katowicki klub szafnyli cuzamyn wiyncyj niż piyntset medalu olimpijskich, Mistrzostw Świata, Europy i Polski. Pōł z tego szafnyli zapaśniki, kerych sekcjo była nojsrogsza. Mogymy sie tyż asić naszymi hokejorzami, piyrwyj nale terozki zaś, kere szafnyli ōziym razy Majstra Polski i wychowali mōcka reprezentantów. Trocha ze zadku byli fusbalarze GieKSy, nale yntliś ōni tyż pokazali sie wiynkszym sōmsiadōm i we latach ōziymdziesiōntych i dziewiynćdziesiōntych rzōndzili we polskij lidze. ■

Za tyn czos GieKSa erbła tyż mōcka kibicōw, kerym rozchodziło sie ino ō nia, chociaż naōbkōło było mōcka inkszych klubōw. Niyskorzyj zmiarkowali my, co ta nojważnijszo siyła wyretowała nasz klub we nojciynźszym ōkresie. Ino richtiś sroge kluby mogōm pochwolić sie takimi ōddanymi fanami. Werci sie ō tym pamiyntać, dyć szport bez kibicōw niy mo wiynkszego cweku.

2

Napoczyncie

27 lutego 1964 roku uprawomocniła sie decyzjo z 5 listopada 1963 roku ō skuplowaniu piyntu katowickich klubōw i sztartniyntu GKS „Katowice”. Beztōż na jor we drugij lidze miast Rapidu-Orła Wełnowiec zagroł już GKS. Piyrszy szpil zagrali 8 marca 1964 na szpilplacu Gōrnika Świyntochłowice, kaj we ćwiyrćfinale Pucharu Polski wygrali ze Wyzwolyniym Chorzōw aże sześć do zera, a piyrszego historycznego tora strzylił Hubert Miller (Müller). Manszft ze Bukowj to była richtiś rewelacyjno Pucharu, kaj doszli aże do pōłfinału, wtynczos lepszo ōkōzała sie fest mocno bytomsko Polonia.

29 marca manszft, kaj za trynera robiōł legyndarny Jorg Nikiel, zagrala piyrszy szpil ligowy. Wtynczos cōłko liga lynkała sie katowickigo angrajfu, nojlepszego we drugij lidze, ze gynialnym Zygmuntym Szmidtem.

Angrajfu GieKSy boł sie kożdy torman, ino Wisła Krakōw poradziła nos sztopnōnc, beztōż siedymnostego czyrwca 1965 nasi fusbalarze wysztajgowali sie do piyrszej ligi. Co wiyncyj, dziesiynć dni niyskorzyj we ōstatnim szpilu Zygmunt Szmidt, kery strzylił trzidziści torōw we trzidziystu szpilach, szafnoł korona krōla strzylcōw. ■

Piwszy roz we piwszy lidze

Rozfechtowano GieKSa 8 siyrpnia 1965 zagrała piwszy szpil we ekstraklasie, jako gospodarz na Sztadionie Ślōnskim wele 30 tysiyncy kibicōw, kaj przegrała ino 2:3 ze nojlepszym wtynczos manszaftym we Polsce, majstrym Polski – Gōrnikiym Zobrze. Postrzodku nojlepszych polskich manszaftōw fusbalarze ze Katowic poradziyli sie blank dobrze, koždy ich chwolił. Doł na nich pozōr tyż selekcyjny Ryszard Koncewicz, kery powołał Zygmunta Szmidta, piwszego fusbalarza GieKSy, do reprezyntacyje, kero 5 stycznia 1966 zrymisowała we Liverpoolu z Anglikami, kere niyskorzyj szafnyli weltmajstra.

Nastympny sezon 1966/67 bōł jeszcze lepszy i małowielu chybło, a GieKSa, dziepiyro dwa lata staro, szafnyła by juź terozki swoje piwsze sukcesy. We ostatnim szpiltagu manszaft Jorga Nikiela groł przy Bukowyj ze chorzowskim Ruchym ō brōnzowy medal. Niystety przegrali my 0:1. We pōłfinale Pucharu przegrali my tyż 0:1 ze Wisłōm Krakōw, żol, bo we finale grably my ze trzeciogowym Rakowym Czynstochowa. Beztōż na piwszy finał kibice we Katowicach musieli jeszcze poczkać aże ōzymnoście lot, a na piwszy medal jeszcze dwa roki dłużyj.

We nastymnych sezonach GieKSa niy grała ō medale nale ugrōntowała swoja pozycjo, juź wtynczos mocka kibicōw łazyło na szpile przy Bukowyj, niy roz wiyncyj niź komplet (dwajścia tysiyncy norodu). Ftedy ōwdy to GieKSa decydowała, fto robiōł majstra, kej ōdbiyrali pōnky manszaftom choby Gōrnik abo Legia. Trza tyż pedzieć, co we sezonie 1968/69 GieKSa, skuli rymontu szpilplacu przy Bykowyj, szpilala na Siymianowiczance i na Sztadionie Ślōnskim, kaj siedymnostego maja 1969 roku na szpil ze Gōrnikiym prziszło wiyncyj niź 60 tysiyncy norodu.

Bez piync lot we ekstraklasie fusbalo GieKSa doczkała sie aże trzech reprezyntantōw: Zygmunta Szmidta, Jana Wrażego i Pyjtra Czaje; epne ōsiōngniyncie, kej spōmnymy sie jak srogich fusbalarzy mieli my wtynczos we Polsce. Dały na to pozōr nojwiynksze manszafty, Wraży i Czaja wykludziyli sie do Gōrnika i Ruchu, a Szmidt wykludziōł sie do holenderskigo AZ Alkmaar.

Chocioż straciyli nojlepszych fusbalarzy, małowielu chybło, a GieKSa we swoim debiucie we europejskich pucharach wyciepałaby uwożano FC Barcelona. Co sie wyrobialo 23 wrzeźnia na Camp Nou, ō tym ōzprowiajōm terozki legyndy. 70 tysiyncy kibicōw Barcy było zdziwowanych, co to za manszaft wygrywo z nimi 2:0 do przerwy. Maszketnie, we lidze GieKSa niy grała juź aże tak dobrze, i spadła z niy po rymisie 0:0 ze Gwardiōm Warszawa. ■

„Złoto” DEKADA

Nojlepszy ōkres GieKSy napoczōn sie ōd sezonu 1985/86. Manszaft kludzōny bez trynera Alojza Łyski zajōn nojwyzszy dotychczas bo piōnty plac, a Jasiu Furtok ōstoł wicekrōlym strzylcōw. Nale nojważniyszy bōł finał Pucharu Polski, kaj piwszego maja 1986 wele bezma 60 tysiyncy kibicōw GKS roztraskał epnego Gōrnika Zobrze aże sztyry do jednego. Tyn szpil przesoł do legyndy polskigo fusbalu i stoł sie nojważniyszym momyntym we gyszichcie naszymy fusbalojy sekcyje. Jasiu Furtok, kery wtynczos strzylił trzi tory, 16 czerwca 1986 roku, jako piwszy fusbalarz GieKSy, zagroł na Mundialu.

Na bezrok GieKSa pokozala, co przy trynerze Alojzie Łysce niy wygrali Pucharu bez cufal. GieKSa grała nojpiykniyszy fusbalo we cōlkij lidze a uwożanego trio Furtok-Koniarek-Kubisztal bōł sie koždy torman. Styknie pedzieć, co Jasiu drugi roz ze raje szafnoł wicekrōla strzylcōw, a „Koniar” bōł trzeci. Przydajne dlo GieKSy ōkazało sie nowe prawidło, dziynki keremu tyn, fto wygrywoł wiyncyj niź dwoma torami, dostowoł pōnkt wiyncyj. Beztōż GieKSa zebrała aże sześć pōnktōw wiyncyj i piwszy roz grała ō majstra. Narozki fusbalarze Alojza Łyski (piwszy tryner GieKSy wybrany Trynerym Roku) zagroziyli Gōrnikowi Zobrze, kery szoł po trzecigo majstra ze raje, nale yntliś, po wygraniu ze Ślōnskiym Wrocław na Sztadionie Ślōnskim 21 czerwca 1987 roku, zajynli – piwszy roz – trzeci plac.

Trocha żol było tyż piwszego ōd szesnustu lot wystympu we europejskich pucharach, kaj GieKSa letko wyeliminowała Fram Reykjavik, a wtynczos – we piwszym szpilu drugij rundy PEZP – ciepli na kolana Sion, coby yntliś dać im sie podźwignōnc. Beztōż straciyli srogo szansa, coby dōnść do ćwiyrćfinału. Niy poradziyli tyż ōbronić Pucharu Polski, we trzecim finale ze raje gynau choby dwa roki do zadku przegrali po elwrach ze Ślōnskiym, kery miōł wtynczos nojlepszo drugo linia we Polsce. Niyspodzianie robota straciōł Alojz Łysko, za kerego prziszło Władysław Żmuda.

Tryner, kery sztyry roki przōdzij zakludziōł Widzewa do pōłfinału Pucharu Europy, miōł z poczōntku blank ciynżko. Manszaft potraciōł swój ōfensywny styl i na podzim bōł dziepiyro czwarty, fōrt daleko za Gōrnikiym. Na szczynście na jor GieKSa napoczła grać lepij, ōsobliwie na Bukowyj, kaj wtynczos ōtwarli nojbarzij moderno głōwno trybuna we cōlkij Polsce. Wygrywała szpil za szpilym, bez cōlko runda u siebie straciyli ino pōnkt i dwa tory. Stykło to, coby piwszy roz siyngnōnc po wicemajstra sezonu 1987/88.

Kej napoczynoł sie nowy sezon, koždy godoł, co GKS bydzie groł ō majstra. Zdowało sie, co yntliś ścignie Gōrnika i bez pora lot bydzie rzōndzić we lidze. GieKSa zdowała sie nojmocniyszo ōrganizacyjnie we cōlkij swojij gyszichcie. Budowoł sie nojbarzij moderni sztadion we Polsce, do tego kupili my napadziorza Krzysztofa Walczaka (krōl strzylcōw drugij ligi) i fest drogigo Andrzeja Rudego ze Ślōnska. Niy ma sie co dziwować, co na kożdym szpilu była tulma norodu. GieKSa gibko wysztajgowała sie na lidera, dali na nich tyż pozōr rywale ze Glasgow, z kerymi trefyli sie we europejskich pucharach. Wiyncyj niź sztyrdziści jedyn tysiyncy kibicōw na Ibrox Park dziwowało sie, kej duet Furtok-Kubisztal szterowoł jejich ōbrona i ino bez cufal Rangers niy przegrali ze mało znanymi fusbalarzami ze Polski. Po szpilu Szkoty uznali, co GieKSa to bōł nojlepszy manszaft zza „Żeloznyj Gardiny”, kery u nich groł. Niystety, to ōne awansowali, chocioż rewanż na Ślōnskim, na kery prziszło 35 tysiyncy norodu, napoczōn sie idyalnie dlo nos. Po szpilu zdowało sie, co śniki ō wielgij GieKSie pōdzie wrazić miyndzy bojki bo weg poszły dwie gwiozdy: Jasiu Furtok do HSV Hamburg, a Rudy pitnoł do Rajchu. Zouwizou, na podzim GieKSa i tak była wiceliderym. Na jor wiodło jiy sie rozto-majcie. Napoczli dobrze, wtynczos prziszła dychawica, zdowało sie, co niy ma szans na majstra, nale niyskorzyj wygrali pora szpilōw i zdowało sie, co zaś sōm my fertiś. Niystety na som kōniec fajtli my sie pora razy i majstra zrobiōł Ruch, a nom ōstoł drugi strzybny medal ze raje.

Chocioż GieKSa broniyla wicemajstra, na poczōntku sezonu 1989/90 żodyn niy widziōł w nos faworyta, beztōż co manszaft fest sie pomiyniōł. Niy grali mu juź tak piyknie, nale za to skutecznie i yntliś piwszy roz wygrali my runda podzimowo. Niystety po przegranych szpilach ze Rovaniem we Pucharze UEFA prezes Dziurawicz wyciepoł Żmudy i beztōż na jor manszaft kludzony bez jego asyntyta Jerzego Michajłowa doł sie wyścignōnc rywalom. Orest Lencyk ōpanowoł kryzys i eli na sztyry szpiltagi do kōńca GieKSa wygrałaby ze ciynkim Zagłymbiym ze Altrajchu, na zicher szafnyła by majstra. Niystety, yntliś zaś ino trzeci plac dwa pōnky za Lechym. Żol, tym barzij, co przegrali my tyż czwarty finał Pucharu Polski, 0:2 ze Legiōm.

Zdowało sie co na bezrok bydzie jeszcze ciynży, nale na podzim żodyn niy umiōł sie dać rady ze manszaftym Oresta Lencyka, kerego tyż, gynau choby Alojza Łyski, wybrali na Trynera Roku. GieKSa przegrała ino roz i drugi roz ze raje wygrała runda podzimowo. Doł na to pozōr selekcyjny Strejlau, kery na szpil z Gekami we Wolos powołał aże sztyrych naszymy fusbalarzy: Romana Szewczyka, Janusza Nawrockigo, Andrzeja Lesiaka i Dariusza Grzesika. Niy ma sie co dziwować, co nowy rok we Katowicach napoczli my fest rade i koždy bōł zicher, co niy powtōrzimy tych samych felerōw co łōnskigo roku. Niystety na jor zaś my rozczarowali, straciyli szanse na majstra, a za Oresta Lencyka prziszło nazod dran Alojz Łysko, kerymu durś przoli kibice. Chocioż piwszy roz ōd piynciu lot niy wygrali my żodnego medalu, to 23 czerwca 1991 roku we Piotrkowie GieKSa drugi roz wygrała Puchar Polski, po 1:0 ze Legiōm we finale. Niyskorzyj 23 lipca we Włocławku po elwrach wygrała tyż z majstrym Zagłymbiym Lubin i zdobyła piwszy Superpuchar.

Stracono DEKADA

Żodyn by niy prziszōł ku tymu, co niy bydzie nos we piwszyj lidze aże siedym lot. Koždy chcioł, coby my wysztajgowali sie nazod jak nojgibcij. Niy poradziyli my, chocioż dwa razy byli my fest blisko. Kej sezon 1972/73 prziszōł ku kōńcowi, we barażach trefyli my sie ze Poloniōm Bytom i po rymisie 0:0 we Bytomiu przegrali my 0:1 na Bukowyj. Dwa lata niyskorzyj zaś my straciyli awans na som koniec, kej niy dościgli my Stali Rzeszōw, kero przōdzij wygrała Puchar Polski. Nale do trzech razy sztuka. We sezonie 1977/78 tryner Andrzej Gajewski zbajstlowoł manszaft, kery zdominowoł grupa pole-dniowo i sztajgowoł sie do piwszyj ligi, a Ojgyn Pluta strzylił ōzymnoście torōw i szafnoł krōla strzylcōw drugij ligi. Zdowało sie, co we Katowicach zaś bydzie mocny manszaft, tym barzij, co

juź przōdzij była godka ō nowym sztadionie miast sztadionu Gwardii wele ulicy Kościuszki, kery ōdpedziōłby na ambicyje klubu. Wtynczos do klubu prziszōł Marian Dziurawicz, kery robiōł za wiceprezesa, ōdpedzialnego za fusbalo.

Gynau jednako choby za piwszym razym, terozki tyż fusbalarze beniaminka piyknie sie poradziyli we ekstraklasie. Bez cōłki sezon Katowice trzymały sie fōrt daleko ōde strefy spadowania i na koniyc szafnyli ōsmy plac. Niystety, na bezrok zaś nazod ślecieli ze ekstraklasy, gorzyj, bo skuli niykerych fusbalarzy. Boli my sie, co to možno bydzie koniec klubu, niykerzy kibice przeciepali sie na inksze manszafty, a gruba „Staszic” sztopła fōndować naszych fusbalarzy. ■

Spinōmy sie na wyrch

Cōłke szczynście, co kryzys poradziyli my sztopnōnc a nowy mody manszaft ze fusbalarzami, kere niyskorzyj trefiōm do reprezyntacyje, trynowany bez byłego kapitana GieKSy Jorga Nowoka, bez cōłki sezon 1981/82 trzimoł sie wyrchu tabele, coby na piync szpiltagōw do kōńca szafnōnc lidera i juź go niy ōd-dać. Kej juź wysztajgowali sie nazod do ekstraklasy, fusbalarze GieKSy ōstali tam bez siedymnoście lot, a za tyn czos szafnyli swoje nojważniysze sukcesy. Po dwóch latach zaś mogli szpilac ze nojlepszymi polskimi manszaftami, nafolowanymi reprezyntantami Polski ze Mundialu we Hiszpanii. Manszaft ze Bukowyj napoczōn sezon richtiś piyknie. Po szpilach ze Legiōm, Ruchym, Szombiyrkami i Gōrnikiym GieKSa była na trzecim placu, ino pōnkt za liderym. Wtynczos przegrali trzi szpile i bez cōłki podzim juź szpilali durś „we krotka”. Na jor pora szpilōw wygrali, pora przegrali, nale utrzymali sie we lidze. Mocka GieKSa chwoliłi, a na naszymy fusbalarzy doł tyż pozōr selekcyjny trzecigo manszaftu na świecie, Antoni Piechniczek, kery w maju 1983 doł zadebiutować Jorgowi Wijasowi, a rok niyskorzyj Janowi Furtokowi. We grudniu 1984 „Jasiu”, jako piwszy fusbalarz we naszymy gyszichcie, ōstoł ōbrany bez „Piłka Nożno” Odkryciem Roku. Bez niymocnego „Jasia” i „Larego”, kerego po sezonie 1982/83 skludziōł do sia Widzew, latym 1984 we swoim czwortym i ostatnim sztarcie we Pucharze Intertoto GieKSa wygrała swoja grupa, a niyoficjalnym krōlym strzelcōw ōstoł Marek Biegun, kery pōłtora roku niyskorzyj bydzie nastympnym fusbalarzym GieKSy, kery trefi do reprezyntacyje.

Rozwōj fusbalojy sekcyji dało sie ōboczyć niy ino na szpilplacu. Pomiyniōł sie tyż sztadion, kaj we drugij połowie 1984 roku napoczli stowiać legyndarny „Blaszok”. Dziwiytnostego kwiytnia 1984 Rada Miejsko uznała, co GieKSa je Klubym Miasta.

Manszaft zebroł szprymy a 26 czerwca 1985 roku piwszy roz doszoł do finału Pucharu Polski. Niystety we Warszawie przegrali my po elwrach ze Widzewym, dlo kerego to bōł ostatni srogi sukces we piwszyj dekadzie sukcesōw. Na jejich plac miała terozki dran przisł GieKSa. ■

Niy ma sie co dziwować, że zaś mieli my nadzieje na majstra. Kożdy chwolił naszych fusbalarzy. Janusz Jojko pokozoł, co to je fest dobry torman, Roman Szewczyk i Andrzej Lesiak trzymali cółko obrona, piyknie rozwijoł sie Piotr Świerczewski, kery 8 siyrpnia 1992 szafnoł strzybny medal na olimpiadzie we Barcelonie. Nale nojwiyncyj godki było ô katowickim Gruzinie. Guija Gouruli caubrowoł choby Brazyliaer i bół nojwiynkszôm gwiozdôm polskij ligi. Niystety szpilali my we krotka, beztôż jeszcze jedyn wicemajster to bół i tak sukces. Nale Łysko zaś straciół robota, chocioż bronili go kibice. Za niego przisoł za trynera dran piyrszy auslynder. Bół to Austryjok Adolf Blutsch nale idyjo ze wzynciym go niy była nojlepszo, manszaft zajõn ino ôsmy plac i bół to nojgorszy wynik ôd ôsmiu lot. Nale trzeba tyż pedzieć, co piyrszy roz ôd downa my sie ôsłabili, zagranica wykludziyli sie nojlepsze strzylce: Krzysztof Walczak i Guija Gouruli, nale i tyż Andrzej Lesiak. Szło to ôboczyć choby skuli tego, co nojlepszym strzylcem bół kapitan reprezyntacyje, sztoper Roman Szewczyk, kerego lagów ze rzutów wolnych boł sie kożdy torman. Cółke szczynście co we zimie skludziyli my na Bukowo „krõła Radzionkowa” – trzidziści dwa lata starego Mariana Janoszki i to õn wzioł na siebie strzylaniy torów, a kożdy chwolił jego „kepki”. I to prawie „Ecik” strzylił tora na 1:1 we finale Pucharu Polski na Sztadionie Ślõnskim, kej GieKsa wygrała po elwrach ze „rezerwami” chorzowskiego Ruchu i zdołała trzeci Puchar. Janusz Jojko wygroł tyż klasyfikacyjo „Złoty Butów” na nojlepszego fusbalarza ekstraklasy.

Chocioż zdobyli my Puchar, to za Blutscha i tak przisoł dran jego asystynt Pyjter Piekarczyk, kery prawie „hangnõł szczewiki na hoku”. Sezon 1993/94 napocli my beztôż trocha niypewnie. Piyrszy roz ôd downa żodyn niy godoł ô GieKSie choby ô faworycie, skiż tego, co sprzedali my Romana Szewczyka i Piotra Świerczewskiego, na ich plac przisoł już na podzim inkszy reprezyntant Kazimierz Węgrzyn.

Na poczõntku zdawało sie, co to bydzie nojgorszy sezon ôd hań downa. Nale synki poradziły sie ôtuchnõc, beztôż ino minimalnie przegrali my ze uwożanõm Benficõm. „Adler” ze Lizbony niy odpadły po szpilach z nami ino skuli szczynście i syndziego. Manszaft napoczõn trufać we siebie i synki ôd Piekarczyka zaccli cółko raja niy przegranych szpilów, coby zaś grać ô majstra. Eli na pora szpiltagów do kõnca niy potracyli by my põnktów ze Wislõm Kraków i Stalõm Stalowo Wola, to na zicher by my to szafnyli. Do majstra Legii chybło nom ino põnka! Tak blisko kole majstra jeszcze my niy byli. Yntliś zaś ino czwarty roz byli my wicemajstrym.

Po udanym sezonie kożdy filowoł na przyszłość optymistycznie. We lato skludziyli my nowych fusbalarzy i zdawało sie, co sõm my fertiś na majstra. Na podzim wyszrõbowali my rekord – trzidziści szpilów ze raje bez przegranego. Nale wożniejsze ôd dobryj gry we lidze było to jak grali my we europejskich pucharach. Piyrszy roz przeszli my aże trzech rywali, a szpile ze Arisym Saloniki a ôsobliwie ze Girondins Bordeaux to już je gyszichta polskiego fusbala. Kej ôziymnostego pażdziyrnika GieKsa wygrała ze sztyrokrotnymi francuskimi



Fusbalarze GKS Katowice przed finałym Pucharu Polski we 1986 r. Stojõm we raji ôd lewyj: Krzysztof Zajęc, Robert Sęc, Piotr Piekarczyk, Marek Biegun, Zbigniew Krzyżoś, Jerzy Kapias, Józef Łuczak, Piotr Nazimek, Marek Koniarek, Mirosław Kubisztal, Jan Furtok

majstrami po torze Zdzisława Strojka, niykere godali co to ino bez cufal. Nale to niy bół cufal, co ukożoł rewanż piyrszego listopada 1994 roku. Chocioż do przerwy gospodorze ôdrobili straty, to we drugij połowie manszaft Piekarczyka pokozoł charakter i po elwrze Walczaka wyciepoł ze pucharów prziszłych weltmajstrów: Zinedine’a Zidane, Bixente Lizarazu i Christophe’a Dugarry’ego.

Niy ma sie co dziwować, co nasze fusbalarze zebrali tyż za 1994 rok prymije indywidualne. We plybiscyie katowickigo „Szportu” piyrszy roz Janusz Jojko szafnoł Fusbalarza Roku. „Piłka Nożna” wybrała za Trynera Roku ex aequo Pyjtra Piekarczyka i Pawła Janasa. Trynera GieKSy za suk-

cesy na miyndzynorodowyj binie, a trynera Legii – na binie krajowyj. Beztôż „Orzech” ôstoł trzecim i ôstatnim (p-ojzie Łysko i Oreście Lenczyku) naszym trynerym, kerego trefiła tako zoca.

Po udanej rundzie podzimowyj, na Bukowyj richtowali sie coby ciepnõc sie po majstra. Kupili my poru fusbalarzy kej ôroz, po szpicatych godkach, robota straciół architykt naszych sukcesów – Pyjter Piekarczyk. Za niego przisoł robić Jacek Gõralczyk nale niy poradziół dać manszaftowi takigo blysku jak na podzim i zajynli my ino trzeci plac, a we finale Pucharu Polski przegrali z Legiõm we Warszawie. Zaś żoł i stracono przileżitość. Niystety, sezon 1994/95 to bół kõiyc naszyj „Złoty Dekady”. ■

7

Na ruczbanie

Kej trzecigo lipca 1995 roku, Mariana Dziurowicza wybrali na prezesa PZPN, niykere wajali co terozki napocznie sie dominacyjo GieKSy. Nale było na õpach i bez „Magnata” napoczły sie ciynżke czasy. GieKsa była coroz to słabszo ôrganizacyjnie, aże niykere fusbalarze napoczli szukać dlo sia nowyj roboty. Sezon 1995/96, zaś kludżono bez Orest Lenczyka, GieKsa napoczła ôszkliwie, we swojim dziesiõntym z raje sztarcie we europejskich pucharach przegrali z Araratym Erewań po elwrach. Egal, co 2 września we Rzeszowie wygrali drugi roz Superpuchar. Kej trzecioligowo Arka Gdynia wyciepała nos ze Pucharu Polski, za Lenczyka przisoł za trynera Adam Musiał, nale niywiela to pomiyńiało, chocioż nazod przisoł Jasiu Furtok. Wtynczos Dziurowicz musioł ôdprosić trynera Piekarczyka i na jor „Orzech” õpanowoł kryzys i we sezonie 1996/97 manszaft zaś wysztajogowoł sie na wiyrch tabeli. Kej zdawało sie, co awansujemy nazod do europejskich pucharów, napoczły sie wyrobiać maszketne rzeczy. Przegrali my sztyry ôstatnie szpile i wyścigła nos Odra Wodzisław, kero hopła do pucharów. Co gorzyj GieKsa ôszkliwie przegrała tyż ôsmy finał Pucharu z Legiõm i ôstoł srogi niysmak. Nastympny sezon mody manszaft kludżony bez reprezyntantów Adama Ledwonina i Sławomira Wojciechowskiego napoczõn blank dobrze, nale im dalij tym było gorzyj. „Wojciech” chyciół kontuzjo a „Ledka” sprzedali my do Bayeru Leverkusen. Miast grać ô majstra, napoczli my kukać na dõt tabeli. Nale nojgorsze dziepiyro miało sie wyrobiać.

Na bezrok piyrszy roz ôd hań downa godali, co ślecemy z ligi. Ligowe kluby, kere posunęły sie nawet do sztrajku przeciwko Dziurowiczowemu PZPN ôboczyły jako GieKsa je słabo i pedziały, co ściepnõm nos z ligi. Chocioż manszaft Marka Koniarka pokozynoł ambicjo i determinacyjo i na zicher niy bół nojgorszy, to nic niy poradziół i po siedymnostu latach śleciół z ekstraklasy.

Po spadku nasza przyszłość wyglõndała cõmawo a kalnie. Niy wiedzieli my ani eli wystartujemy we drugij lidze we sezonie 1999/2000. Na szczynście Dziurowicz przegroł welowaniny na prezesa PZPN i pedziół, co jeszcze roz wkłudzi GieKsa na salony. Na podzim na Bukowo prziszli nazod ex-fusbalarze, skludziyli my tyż nowych, kere nos wzmocniyli. Grali my coroz to lepij i zajynli my na podzim czwarty plac. Niystety mieli my siedym põnktów straty do piyrzszij dwõjki i Dziurowicz pedziół, co za Koniarka przidzie za trynera szpec ôd awansów – Paweł Kowalski. Na jor cišli my do przodku i wroz ze Ślõnskym Wrocław wlyżli my do ekstraklasy. Nale skuli tego awansu, ô kery grali my tyż fõrt daleko ôd szpilplacu, mieli my coroz to wyynksze borgi.

Krõm tego, manszaft trynera Kaczmarka na jor 2001 roku szpiloł piyknie i rozdowoł karty na wiyrchu i na dole tabeli. Nale dobro gra niy pomogła na borgi i tryner Kaczmarek poszoł weg, a za niego przisoł Janusz Białek. Weg poszło tyż poru fusbalarzy, zakozali nom transferów, ôroz ôdcylni nom woda, sztrom i gaz. Nale fusbalarze pokozali zocny GieKSiarski charakter i niyspodzianie wlyżli do tajle, kero grała ô majstra (ekstraklasy miała wtynczos dwie tajle) i bezma awansowali do europejskich pucharów. Yntliś skończyli my na szõstym placu, co kożdy mioł w zocy.

Po dwõch dobrych sezonach zdawało sie, co tyn trzeci 2002/03 bydzie nojcynższy. W czyrwcu umarło sie Marianowi Dziurowiczowi i żodyn niy wiedziół, co bydzie dalij. GieKsa durś miała problemy z piyniyndzmi, weg poszło poru fusbalarzy i tryner Białek. Zaś godali, co ślecemy z ligi i zaś ôsobliwie manszaft pokozoł charakter, a kej wysztajogowoł sie na lidera, to była richtiś sensacyjo. Na piykno gra dała pozõr firma „Dospel”, kero prziszła za sponsora strategicznego. Ino że kibice niy byli tymu rade, bo „Dospel” przisoł ku ôszkliwyj idyji, coby wrazić swoje miano miast historycznego prawego miana klubu. Richtiś gańba, nale na szczynście szło ô tym przepõmnieć dzinyki grze fusbalarzy. Manszaft trynera Żurka możno niy groł piyknie nale fest skutecznie i zrobiół wicemajstra rundy podzimowyj. Po sześciu latach doczkali my sie tyż GieKSiarzy

we reprezyntacyji: Jacka Kowalczyka i Mirosława Sznauenera. Chocioż na jor niy grali my tak dobrze, roz GieKsa sztopła srogo Wisła Kraków trynera Kasperczaka, kero maszerowała po nastympnego majstra. Yntliś zajynli my trzeci plac i po ôsmiu latach zaś zagrali we europejskich pucharach.

Tyn ôsmy i jak dotychczas ôstatni medal sprawiół co napoczli my sezon 2003/04 optymistycznie. Yntliś niy było godki ô utropach z piyniyndzmi i manszaft mõg richtować sie do szpilów. Nale prezes Pyjter Dziurowicz zrobiół feler, kej za Jana Żurka przisoł robić za trynera Edward Lorens. Ciynko napoczli my liga i zgańbili my sie we Pucharze UEFA ze macedońskõm Cementarnicõm Skopje. Kibice jeszcze barzij znerwowali sie na trynera, kery po wysoko przegrany szpilu z łącznõm pitnoł im i ciepnõł robota. Kej Żurek przisoł nazod, to ôszkliwo atmosfera zrobiyla sie trocha lepszo, nale kryzysu õpanować niy poradziół. Zaś napoczły sie utropy z piyniyndzmi i małowielu chybło, a zaś by my ślecieli. Na siedym szpiltagów do kõnca za trynera przisoł Lechosław Olsza i utrziõł nos we przedõstatnim szpiltagu.

Zouwizou, i tak my ślecieli. Swõj trzidziysty sezon we ekstraklasie napoczli my uwożane za kandydata do spadku skuli coroz to gorszyj sytuacji finansowo-ôrganizacyjnyj ôroz tego, co inksze kluby chciały nos wyciepać. Bez cõłki sezon dowali pozõr coby bohатыrski manszaft niy zrobiół ich za bozna i niy utrziõł sie. To, co sie wyrobiało na kõi-niec sezonu, to bół epny skandal i lagramyncko korupcyjo. Na kõi-niec prezes Pyjter Dziurowicz poszoł do prokuratury, coby pedzieć cółko prowda ô ôszkliwości polskiego fusbala. To, co wyrobiało sie niyskorzyj, tõmpnyło niy ino fusbalo-wym światym. GieKSie to niy pomogło, nale dzinyki nom polski fusbala chocioż trocha doł sie rady ze korupcyjom. Takigo frechownego wichlyrstwa jak wtynczos niyskorzyj już niy było. Nale żodyn by tyż niy pedziół, co bydzie to ôstatni jak dotychczas sezon GieKSy we ekstraklasie a ôstatni szpil zagrali my ze manszaftym, z kerym zagrali my tyż piyrszy – ze Gõrnikiym Zõbrze. ■

„Nowo GieKSa” – napocznicie

To, że GieKSa śleciała z ligi nie było jeszcze najgorsze. Boli mi się, co byśmy musieli napocznąć od B-klasy. Yntliś Stowarzyszenie Sympatyków Klubu GKS Katowice „GieKSa”, dziynki szczodliwym ludziom, zgłosiło nowy GKS do czwartyj ligi. Za prezesa prziszło dran Jan Furtok, a cył to było przis nazod do drugij ligi bez dwa lata. Chocioż koždy sie boł jak to bydzie, tak napowdy żodyn sie nie spodzywoł, co frekwencyjo na Bukowyj bydzie egal choby na nojwyjnszych manszaftach ekstraklasy. Fusbalorze kludzyni bez Henryka Görnika i Lechosława Olszy, kej już zebrałi szprymy, tak po prowadzie to już na podzim byli zicher barażów ó trzecio liga. Baraże ze BKS Bielsko-Biała bydymy spõminac choby skuli tego, co rewanż przy Bukowyj õbejrzało bezma jedynõcie tysiyncy norodu, cosik takigo nie przitrefyło sie jeszcze na tym szczebłu, beztõż była õ tym godka nie ino we Polsce nale tyż i za granicõm.

Bez to, że bez czwortoligowy sezon przeszli my choby burza, koždy miõł epne apetyty i żodyn nie myõł, co õstanymy we trzecij lidze wiyncyj niż jedyn sezon. Na Bukowo prziszli nazod byli fusbalorze GieKSy, kere szpilali we piyrszyj lidze. Na trzecio liga to były „transferowe szlagry” i go-dało sie, co Katowice majõm richtiõ „Dream Team”. Nale õkõzało sie, co żodyn nie bydzie skõdołõ broni, jak to było przõdzij. Na podzim gibko skludzili my nazod Pyjtra Piekarczyka i na kõniec roku 2007 szafnyli my lidera grupy trzecij. Niystety na jor grali my ciynko i õroz zdowało sie, co nie wlyzmy ani do barażów. Na szczynõcie poradziyli my sie przelõmac. Chocioż piyrszego placu my nie szafnyli, to wicelider tyż groł we barażu. Tukej nom sie podarziło, bo trefyli my na KSZO Ostrowiec Œwiyntokrzyski, kery za korupcjo õleciõł do trzecij ligi, beztõż mogli my fajerõwac drugi awans ze raje.

Chocioż żodyn tego nie pedziõł, chcieli my szafnõc tyż trzeci awans, nale koždy wiedziõł, co bydzie ciynżko – i szportowo

i õrganizacyjnie. Na poczõntku zdowało sie, co bydymy szpilac õ ekstraklasa. Niystety, postrõdku rundy podzimowyj nie wygrali my żõdnego ze siedmiu szpilõw i na kõniec roku byli my ino postrõdku tabeli. Kej sie õkõzało, co možno sztajgõwac bydõm wiyncyj manszaftõw (skuli tego, co niykere kluby skorali i wyciepli z ekstraklasy), skludzili my trzech õbeznanych fusbalorzy i napoczi my jor tak, choby mieli my õcigać liderõw. Niystety szanse straciyli my na wyjõzdach.

Żodyn nie myõł, co nastypne lata to bydzie walka õ przetrwaniu klubu. Miyndzy rokami 2008 i 2009 õkõzało sie, co hned zbankrõcymy i eli miasto by nom nie pomogło, mogło byc już po ptokach. Na szczynõcie mody manszaft Adama Nawałki zdziwõwõł cõłko Polska i z õstatnigo placu, na kerym my byli po rundzie podzimowyj, utrzymali my sie ani bez barażów.

Przy Bukowyj koždy miõł nadzieja, co za wynikami szportowymi põdzie tyż lepszo sytuacyjõ finansowo, nale kej „Centrozap” wycofõł sie z godki õ inwestowaniu, zaś napoczi sie finansowe utropy. Jasiu Furtok podoł sie do dymisje, za niego prziszło Marek Worach, kery nie poradziõł õpanõwac kryzysu. Nale õsobliwie fusbalorze zaś pokõzali GieKSiarõ natura i zrobyli wszysko, coby kibice na podzim byli rade. Niystety durõ nie szło znojõ inwestorõw, skuli czego robota ciepnõł Nawałka, weg poszõ tyż poru nojlepszych fusbalorzy. Sytuacyjõ zrobyła sie lagramyncko, a na poczõntku 2010 roku do dymisji podoł sie prezes Worach. Ferajny, kery kludziõł klub pytoł miasto, co by dało nom kuratora. Dziynki tymu poradziyli my „sztopnõc fojera” a nowy tryner Robert Moskal zbajstlowõł manszaft, kery na jor õroz zaccõn szpilac õ ekstraklasa, nale kej kontuzyje wzinyli nom poru fusbalorzy, napoczi my przegrywac jedyn szpil za drugim. Yntliõ aże do samego kõnca boli mi sie, eli nie õlecymy zaś nazod do trzecij ligi. Na szczynõcie ku tymu nie prziszło, a kej sezon bõł fer-tiõ, przy poparciu miasta, „Centrozap” przejõn klub, a prezes Ireneusz Krõł õzprowiõł kibicõm jak to terazki bydzie piyknie. Yntliõ zaś bezma my nie zbankrõcili, aże drugi roz klub musioł wyretõwac ferajny kibicõw, skuli kerych we lato 2012 Katowice przejiynõł õdpedzialnõc za swõj klub. ■

Wojoki Œwiatowego formatu

GKS Katowice – nojsilnizszy klub na Œwiecie! To nie sõm żõdne Œniki, bery ani inksze bojki, to je gyszichta naszych zapaŒnikõw. Ta sekcyjõ kludzi swoje dzieje ze Orła Wełnowiec, kery fõngowõł jeszcze za zeszyj Polski, a powstõł we 1920 roku. Piyrsze majstry Polski po wojnie to byli Edward Dziewiõr i Jõzef Szmatloch. Kej Orzeł dokuplowõł do GKS-u Katowice, sekcyjõ napocziõ sie gibko rozwijać. Do Katowic skludzali my srogich zapaŒnikõw ze inkszych klubõw, mieli my szroke szkõlõniõ ino we klubie nale tyż i postrõd szkõlorzy. Dziynki tymu hned szafnyli my piyrsze medale we Polsce, Europie, na Œwiecie i na Olimpiadach. Piyrszego indywidualnego majstra szafnoł we 1969 roku Bernard Szczepański. Wtynczos kożdego roku zapaŒniki GKS-u robyli majstra. Postrõd nich byli: Mirosław Dołgõwicz, Stanisław Krzesiński, Andrzej Supron, Henryk Bierła, Antoni Masternak, Henryk Tomanek, Witold Małdachowski, Jan Dołgõwicz, Roman Kierpacz, Roman Bierła, Ryszard Szyper, Czesław Kowalik, Adam Kierpacz, Jerzy Kopański, Bogusław Kłozik, Paweł Rozenbajger, Sławomir Zrobek, Jerzy Choromański, Robert Banaś, Marian Borkowski, Andrzej Olszynka, Jõzef Tracz, Jarosław Siuj i Mariusz Przygoda. Czuzamyn bez dwajõcia sztyry lata szafnyli 69 majstrõw Polski.

Kej pomyslymy, co nie roz zapaŒniki GKS-u zajmowali cõłke podium danyj kategoriji wõgowyj, to widzimy jak fest poradziyli my zdominõwac tyn szport. Do zõtych medali dociepali my jeszcze 50 strzybnych i 36 brõnzowych. Beztõż 10 razy szafnyli my tyż Klubowego Majstra Polski i siedym razy Majstra Manszaftõw.

Nale bycie majstrami we Polsce naszym synkõm nie stykło. Zõnie reprezyntowali Polska i klub we Europie i na Œwiecie. Na Mistrzõwach Europy szafnyli dwajõcia sztyry medale (4-11-9) a majstra po dwa razy szafnyli Andrzej Supron (1975, 1982) i Roman Kierpacz (1980, 1985).

Piynny urobek mõmy tyż na Mistrzõwach Œwiata: sztyrnoõcie medali (1-8-5). Nale przileżitoõc õpiywanio Mazurka Dąbrowskigo miõł ino Andrzej Supron (1979). Nojcyynnizsze medale ze Olimpiady we Moskwie we 1980 mõmy trzi. Wszyske strzybne a wygrali je Supron, Jan Dołgõwicz i Roman Bierła. Kej yntliõ rozleciõł sie wielosekcyjny GKS Katowice, nasze uwożane zapaŒniki wzinyli sprawy we swoje ryncie i durõ trynowali nojmodsze bajtle. Terazki zaś nazod trynujemy ich pod trõjkõlowõm fanõm, a nojwyjnszy sukces to 37 brõnzowy medal Mistrzõw Polski szafniyny we 2017 bez Marcela Kasperka. ■

GKS klubym miasta

Kej yntliõ udało sie poskludzac utropy õrganizacyjne pomału napocziõ sie rajza hań, kaj byli my piyrwyj. Niystety durõ nie udowało sie dõnõc do ekstraklasy, chocioż õsobliwie we sezonach 2016/18 i 2017/18 małowielõ chybło, ino skuli õszkliwych kõncõw sezonu õstoł zaś ino żõł. Miast do elity po 12 rokach niyspodzianie õlecieli my do trzecij ligi, z keryj wysztajgowali my sie po dwõch latach. Nale koždy wiedziõł, co dyć to mo byc ino etap nazyj rajzy do ekstraklasy, na kero „GieKSiorz” czekajõm już aże dziewiyntõcie lot. ■

Majstry na szlyndzuchach

Hokejorzami GieKSami mogymy sie asić, egal eli rozchõdzi sie o polsko liga abo zagraniczne szpile. Pamiyntac musimy, co wracõmy do medalowych tradyciji. Hokejowõ sekcyjõ Görnika 1920 Katowice sztartli we listopadzie 1949 roku. Hokejorze ze Bogucic mieli swoja baza na Torkacie, chocioż gruba „Katowice” erbła tyn õbiekt dziepiyro piynõ lot niyskorzyj. Na poczõntku mieli ciynżko, poradzi przegrac dwudziestoma torami ze Fortunõm Wury. Nale kej przeciõli sie õd A-klasy, bez liga õkryngowo aże do piyrszyj ligi, wtynczos bez dziewiyntõ lot wygrali trzi zõte, sztyry strzybne a dwa brõnzowe medale.

Kej sztartli Gõrnicyjõ Klub Sportowy Katowice, hokejorze byli dziepiyro na czwortym placu. Nale wtynczos wysztajgowali sie nazod na podium na nastypne szeõc lot, kej zaś wygrali trzi zõte, dwa strzybne i jedyn brõnzowy. We 1970, krõm majstra szafnyli tyż Puchar Polski. Nale tukej sztopla dobro passa. Chocioż piynõ lot niyskorzyj zaś szafnyli my trzeci plac, to na majstra prziszło nom czekać wiyncyj jak põł storõcza. Tukej trza tyż pedziec, co hokejorze GieKSy musieli iõ na poniywirka, kej Torkat zhajcowõł sie we 1973 roku.

We 1990 roku powstõł õsobny klub, kery mianowõł sie Gõrnik 1920 Katowice. Miano miyniali mu jeszcze pora razy (Katowicki Klub Hokejowy, Gõrnoõlõnski Klub Hokejowy) nale yntliõ hokejorze napocziõ grać õ medale i bez dziewiyntõ lot szafnyli trzi strzybne i sztyry brõnzowe. Bez õstatnie szeõc sezonõw hokejorze wielosekcyjny GieKSy do swojij medalowyj kolekciji dociepali dwa zõte, jedyn strzybny i dwa brõnzowe, a do tego Superpuchar Polski. Nasz klub mo dwajõcia õziym medali (8-10-10) i we cõlkij Polsce wiyncyj mo ino Podhale Nowy Targ. ■

DRUKARNIA
TOLEK

ZAPRASZAMY CIĘ DO WSPÓŁPRACY!

30 lat na rynku

Klienci cenią nas za
JAKOŚĆ, DOŚWIADCZENIE, KONKURENCYJNE CENY

Specjaliści w dziedzinie poligrafii

Drukarnia Tolek Sp. z o. o., 43-190 Mikołów, ul. Œwirki i Wigury 1, woj. Œlõskie, Polska
druk offsetowy: www.tolek.com.pl, druk cyfrowy kolorowy i czarno-biały: www.printnow.pl

Print
now.pl